

REGIONAL NEWS

HEADLINES:-

1. Khawzawl District Mizoram Indigenous Games 2024 chu vawiin khan Khawzawl Sub Headquarters YMA Field-ah neih a ni.
2. Vawiina Serchhip District Khawlailung leh Hmunzawl inkara lirthei chesualah nausen a thi.
3. Union Minister leh Rashtriya Lok Janshakti Party hruaitu Pashupati Kumar Paras chu vawiin khan Union Cabinet atangin a bang.
4. Congress Working Committee chu vawiin khan Lok Sabha inthlan manifesto ngaihtuahin an thukhawm

<><><>

INDIGENEOUS GAMES

Broadcasting Infrastructure & Network Development (BIND) hnuaiia Doordarshan Kendra leh Mizoram Indigenous Games Association (MIGA) ten an buatsaih Mizo hnam infiamna hmanga inelna "Mizoram Indigenous Games 2024 (Khawzawl District)' chu vawiin khan Khawzawl Sub Headquarters YMA Field-ah neih a ni a. Khawzawl Bawrsap Pu K. Lalrohlua intihsiakna hi a hawng.

Mizoram Indigenous Games 2024 hi District Headquarters tinah neih a ni dawn a. Vawiin khan Khawzawl District chhunga YMA Branch 14 atangin infiammi 19 an kalkhawm a; mimal inelna - Insuknawr, Insaihrupawh, Inbuan leh a huhova inelna – Inkawibah leh Inkepir hmangin an inel dawn a ni. Intihsiakna hi Mizo hnam infiamna te vawn him leh chawi lar zel an nih theih nan buatsaih a ni a. A vawikhatna atan Serchhip District-ah neih a lo ni tawh a, Khawzawl District zawhah hian Saitual District-ah inelna hi buatsaih leh a ni ang.

Hawna inkhawmah hian Pu K. Lalrohlua chuan mahni hnam tih dan vawn nun leh ngaihsan thiam chu hnam ropui zia a ni, a ti a. Khawzawl District chu Mizorama District fai ber a nih thu pawh sawiin, mi changkang apiangin faina an ngaisang a ni, a ti a. Kalkhawmte chu faina kawnga thangharh zel turin a chah a ni.

Khawzawl Bawrsap chuan kalkhawmte chu thing leh mau, nungcha leh ramngaw te humhalh turin a ngen a. Dik lo taka ramngaw leh ramsa suattu te chu Khawzawl DC Office-ah emaw Khawzawl Divisional Forest Office hnenah emaw thlen turin a ngen a. Kalkhawmte chu kangmei tichhuaktu ni lova, thing leh mau vawnghimtu ni theuh turin a chah bawk a ni.

Hawna inkhawm hi Pu T. Siama, Programme Executive, DDK, Aizawl chuan a kaihrui a ni.

<><><>

SOCIAL WORK DAY

World Social Work Day chu vawiin khan Aijal Club ah hman a ni a. Minister of State Pu Lalchhanzova chuan he hun hi a hmanpui a,

Thusawiin Pu B. Lalchhanzova chua Social work zirna hawn anih hma chuan tuman social work lampum pawh an hrela a, tunhnai a social work hna chak taka thawh anih na chhan bulpui ber chu social work zirlai te leh zirtirtute tuh rah a ni a ti. Pu B. Lalchhanzova chuan amah ngei pawh Master of Social work zir chhuak a nih ang in, social work hna pawimawh zia a hriat chian thu a sawi a, social worker ni tur chuan drug addiction chungchang te, kum lama upa enkawl

lam te thlengin hriat a ngai a ti a, social work chawi nun kawng ah a theih ang tawk a hma a lak tur thu he hun ah hian a sawi.

Vawiin a World Social Work Day hmannaah hian Mizoram University Dchool of Social Work Dean Prof. Kalpana Sarathy chuan khawtlang ziarang leh nunphung te hmang tangkaia, thawhonna tha tak neih a pawimawh zia leh, chu thawhonna chuan ram hmasawna ah a tha lam zawngin rah a chhuah thei a ti a ni.

Mizoram Professional Social Work's Association (MPSWA), Department of Social Work, Mizoram University leh ICFAI te bakah Divine Mercy College ten Minister of State Pu B. Lalchhanzova MPSWA member mi ngei MLA-a thlan tlin a nih lawmpuina an hlan a ni.

<><><>

MAMIT EXCISE

Mamit District Excise & Narcotics Department huaihawtin Kohhran hrang hranga thalai hruaitute'n ruihhlo do chungchang sawihona vawiin khan an nei a, Excise & Narcotics Department leh Mamit khawpui chungah kohhran hrang hrang thalaite chuan resolution siamin nasa zawk a ruihhlo do tura thawh ho nise an ti.

Excise Dept Assistant Commissioner Pu Lalsangzuala Ralte, hovin a Office Chamber-ah thukhawmin, Pu Lalsangzuala Ralte chuan Mamit District chungah ruihhlo do beihpui thlak turin kohhran thalai hruaitute puihna an mamawh thu a sawi a, kalkhawmte chu an mahni kohhran theuhah uar taka puangzar turin a ngen bawk. Excise & Narcotics Department atanga ngenna siamin, thawktute tana tawngtai sak, thalaite hnena ruihhlo nghawng thalo hrilhhriat, ruihhlo bawiha tang mek te chhanchhuahna kawnga hmalak, sual lak atanga thalaite dah hran, thalaite eizawna nghet nei tura inzirtir, chungkaw tha din ngei tura thalaite inzirtir leh kohhran atanga thalaite inzirtirna chu an beiseina lian ber a nih thu a sawi.

He hunah hian Mamit khawpui chungah Kohhran hrang hrang thalai hruaitute, Excise & Narcotics Department Officers leh Staff te an tel a ni.

<><><>

ACCIDENT

Vawiin chawhnu dar 3 vel khan Serchhip District a Khawlailung leh Hmunzawl inkar, Khawlailung atanga Kilometre 2 vel a hla, Buhkântui thlangah, Thinglian khaw Pick-up chesualah Lalrammawia nausen ni 5 a upa chu a thi.

He Pick up hi Thingliana mi Pu Hramliana te ta niin, a chetsual chhan hi break fail vang nia sawi a ni a. Mi 7 chuangin, nausen hi a nu in a zuanthlakpui a, vanduaiah a tang ta a ni.

He motor, in sakna hmanrua phur ah hian mi 7 an chuang a, nausen tih loh hi chu hliam ngaihtuahawm an awm lo a, Khawlailung Damdawi in ah enkawl an ni.

<><><>

MHIP

Mizo Hmeichhe Insuihkhawm Pawl MHIP chuan Aizawl Tuikual Southa cheng Pi V. Lalhmingthangi thihna leh a thih dan hi pawl an tih thu leh a chungte an tawrhpu thu thuchhuah siamin an sawi a, pawikhawihthu chu dan anga an phu tawk hremna pe ngei turin MHIP Gen. Hqrs. chuan thuneitute a ngen tih vawiin khan thuchhuah siamin an sawi..

MHIP thuchhuah tarlan danin, Pi Laltanpuui kum 41 Lengpui khua, ZMC a nau nei tur a kal chu, ngaihsak a hlawh tawk loh avangin nau chungah a thi a.

Hetianga nau chung a thihna leh vanduaina thleng awm leh thin hi fimkhur a, nunna hlu tak chan tawh lohna turin damdawi ina thawktu zawng zawng te inenfiah a, tan la thar leh turin an ngen tih an sawi a, sorkar pawhin nau chung a thihna a thlen tawh lohna tura hma la turin MHIP Gen. Hqrs chuan an ngen tih an sawi a ni.

<><><>

EVICTION NOTICE

National Highway(NH) 54 kawngpui sial hna thawhin an chenna In a tihchhiat dawn avanga zangnadawmna pek tawh, an chenna in thiahna tur thupek zawmlo mi 5, Lunglei Zobawk South-a mite chenna in thiahsak an ni.

Lunglei District DC aiawh Pu K.Lalhlimpuia, Assistant Settlement Officer leh Executive Magistrate nibawk hova thiah sak leh an ni a,

NH54 kawngpui sial mekin an chenna in a tihchhiat dawn avanga zangnadawmna an lo pek tawh, mahse In la thiat loh leh insaseng duh loh te hi wawi tam, thuneitu ten an in te thiata, insaseng turin a lo hriattir tawh a. Mahse thupek zawm duh loh an la awm cheu avangin tun thla ni 5/atang khan Sawrkar chuan chuan hma a la tan a, hemi ni hian Tawipui 'S' khuaa chenna in pakhat thiat hmasa berin, ni 7 ah Thualthu khuaa chenna in 4 thiah leh a ni.

Naktukah khian Dawn khuaa chenna in 2 thiah leh a ni ang.

<><><>

ZORAMTHAR PRESS CONF

Zoram Thar hruaitute chuan 'Zofate Pathian Biak In pui,' Thenzawl a sakna tura hnam hnatlang vawiin khan Kolasib ah an hawng a, hnatlang hawna hi Aizawl tih lo ah chuan Kolasib District ah an neih hmasak ber thu an sawi.

Kolasib District MJA Press Club ah Chanchinbumite kawm in, Rev. Zaichhawna Hlawndo, Zoram Thar hruaitu chuan, Zofate hmun khat ah an awmho theih nana hmalakna kawng ah Zofate Biak Inpui sak a tul thu a sawi a, Zofate Biak In pui hi hnatlang a sak a ngaih dawn avangin hnam hnatlang hi Mizoram mai bak ah khawvel hmun hrang hrang a Zofate awmna hmun ah neih a ni dawn a, a bul tan nan Aizawl tih lo ah chuan Kolasib ah neih hmasak ber a ni a ti. Tun dinhmun ah Zofate Biak In pui sakna tur a hnatlang a kal te riah na tur sak zawh ani tawh a, chu chu Zofate thlam vuah in, he thlam hi tun thla, March ni 9 khan a hawna neih anih tawh thu a sawi a, he thlam ah hian mi 40/50 riah theih ani, a ti bawk.

Ruahman dan chuan Biak In hi khawvela Biak In lian ber tur a ni.

<><><>

POSHAN PAKHWADA

Directorate of Women & Child Development Department leh Mizoram University te tangkawp chuan POSHAN Pakhwada pualin Mizoram university Campus ah Health & Nutrition Walk vawiin khan an hneig.

Tribal Affairs & Women & Child Development Department Joint Secretary Pi Zonuntharin he huna tel tur te hi vai liamin, hnam hrisel leh than tha ni turin rilru leh taksa hrisel neih a pawimawh bakah chawtha chi hrang hrang ei a tul thu a sawi a ni.

Hemi hnu hian Mizoram University Auditorium ah awareness session hun hman chhonzawm ni in, Pi Sailopari Deputy Director, Directorate of Women & Child Development chuan he hun hi a kaihruai a, Dr. Martin Chawngsailova'n Non-Communicable Diseases- Healthy Lifestyle chungchang ah kalkhawmte zirtirna a pe a ni.

Poshan Pakhwada hi Nutrition Fortnight ni in kum 2018 atang khan kumtin March thla ah hman thin a ni a, kumin pawh hian Directorate of Women & Child Development bul tumin line dpeartments hrang hrang te nen a thawk ho in State, District leh ICDS Project hrang hrang ah te tun thla ni 11 atang khan hman tan a ni.

<><><>

UNION MINISTER RESIGNED

Union Minister leh Rashtriya Lok Janshakti Party hruaitu Pashupati Kumar Paras chu vawiin khan Union Cabinet atangin a bang. Lok Sabha inthlan lo awm turah NDA te chuan Pu Paras-a hi seat an pe ve lo a. Pu Paras-a chuan a lakah dik lo takin rorel anih thu chanchinbumite hmaah a sawi a ni.

Hetihlai hian Maharastra-a Raj- Thackeray-a kaihhruai Navnirman Sena te chuan NDA an zawm dawn a. Pu Thackeray hian vawiin khan BJP hruaitu leh Union Minister Amit Shah bakah BJP General Secretary Vinod Tawde te New Delhiah a hmu a ni.

<><><>

CWC

Congress Working Committee chu vawiin khan Lok Sabha inthlan manifesto ngaihtuahin a thukhawm. Vawiin thutkhawmah Congress Party president Mallikarjun Kharge, President hlui Sonia Gandhi leh Rahul Gandhi leh hruaitu senior dang Priyanka Gandhi Vadra, P Chidambaram, Digvijay Singh, Ajay Maken leh K C Venugopal te an tel a.

Pu Venugopal chuan party working committee ten Congress President chu manifesto kimchang pawm turin thuneihna an pek thu chanchinbumite a sawi a. Congress President Kharge chuan an party manifesto chu inrintawna leh inpekna bu a ni a ti a. Ramin inthlakdanglam a ngiat tawh a ni a ti bawk.

<><><>

RAJAY SABHA

Rajya Sabha Chairman Jagdeep Dhankar chuan vawiin khan Rajya Sabha member atana thlan nawn Sanjay Singh chu Parliament House ah rinawmna thu tiamtirin a lalut. Aam Admi Party hruaitu Sanjay Singh hi sum chhehrelh thubuaiah hun engemawchen judicial custody-in a awm a. Tunhnaiah Rajya Sabha Member atan thlan nawn leh a ni.

<><><>